



Broj: 344-1/2014
Datum: 25.04.2014.

TUŽILAŠTVO BIH
GOSPODINU GORANU SALIHOVIĆU, GLAVNOM TUŽIOCU

SARAJEVO
Ul. Kraljice Jelene br. 88

Na osnovu člana 213. Zakona o krivičnom postupku BiH, Evropski univerzitet Brčko distrikt podnosi

KRIVIČNU PRIJAVU

protiv:

Momčila Poljića, šefa Odjeljenja za obrazovanje u Vladi Brčko distrikta,

zbog toga

što je dana 26.02.2014. godine Osnovnom sudu Brčko distrikta BiH u predmetu broj 96 0 Pr 067477 13 Pr 2 uz prijedlog za povrat u pređašnje stanje priložio antidatirani nalaz i mišljenje specijaliste koji je izdala Specijalistička ordinacija privatni rendgen „Veselinović“ iz Bijeljine pod amb. br. 236/II-14 od 5.02.2014. godine u kome je navedeno da je navodno toga dana prijavljenom vršeno snimanje lijeve petne kosti iz dvije pozicije, dok je, ustvari, toga dana prisustvovao 53. redovnoj sjednici Vlade Brčko distrikta koja je počela u 8.00 sati, čime je trebalo da opravda izostanak sa usmenog pretresa koji je bio zakazan pred Osnovnim sudom Brčko distrikta dana 5.02.2014. godine u 13.00 sati, a koji je održan povodom podnesenog zahtjeva za pokretanje prekršajnog postupka od strane Odjeljenja za obrazovanje Vlade Brčko distrikta protiv okrivljenih Evropskog univerziteta Brčko distrikt i Zorana Miloševića, odgovornog lica u pravnom licu, te je zbog izostanka predstavnika Odjeljenja za obrazovanje Osnovni sud obustavio prekršajni postupak,

čime je izvršio krivično djelo krivotvorenja isprave iz člana 367 stav 1 Krivičnog zakona Brčko distrikta.

Obrazloženje

Odjeljenje za obrazovanje podnijelo je Osnovnom sudu Brčko distrikta zahtjev za pokretanje prekršajnog postupka broj 37-000523/13 od 24.07.2013. godine protiv okrivljenih Evropskog univerziteta Brčko distrikt i Zorana Miloševića, odgovornog lica, zbog prekršaja iz člana 154 i 333 stav 1 Zakona o visokom obrazovanju u Brčko distriktu. Za dan 5.02.2014. godine u 13.00 sati Sud je zakazao usmeni pretres na koji se nije pojavio predstavnik podnosioca zahtjeva, te je Sud rješenjem broj 96 0 Pr 067477 13 Pr 2 od 5.02.2014. godine obustavio prekršajni postupak.

Prijavljeni je dana 26.02.2014. godine podnio prijedlog za povrat u predašnje stanje u kome je istakao da iz opravdanih razloga – povrede noge i obavezne terapije nije mogao biti prisutan na usmenom pretresu zakazanom za 5.02.2014. godine. Svoje navode potkrijepio je nalazom i mišljenjem specijaliste koje je izdala Specijalistička ordinacija privatni rendgen „Veselinović“ iz Bijeljine pod amb. brojem 236/II-14 od 5.02.2014. godine. U ovom nalazu se navodi da je prijavljenom navodno izvršeno snimanje lijeve petne kosti iz dvije pozicije. Međutim, prijavljeni Poljić je dana 5.02.2014. godine prisustvovao 53. redovnoj sjednici Vlade Brčko distrikta, koja je bila zakazana sa početkom u 8.00 sati. Na zvaničnom sajtu Vlade Brčko distrikta stoji saopštenje sa ove sjednice Vlade. Na fotografiji sa sjednice Vlade, koja je priložena uz tekst, jasno se vidi da sjednici kao član Vlade prisustvuje i gospodin Momčilo Poljić.

Pošto je prijavljeni Poljić na vrijeme bio obaviješten da je usmeni pretres bio zakazan za 5.02.2014. godine, pa ako se povrijedio toga dana prije održavanja pretresa, nema nikakve logike da iz Brčkog oputuje čak u Bijeljinu kako bi tražio ljekarsku pomoć, koju je mogao dobiti u Brčkom. U „JZU Brčko“ se može ostvariti uvid u zdravstveni karton gospodina Poljića, kako bi se utvrdilo kada je zaista gospodin Poljić povrijedio nogu i gdje se, tim povodom, liječio.

Kako smatramo da je na ovaj način gospodin Poljić lažnu ispravu upotrijebio kao pravu, predlažemo da preduzmete mjere iz vaše nadležnosti kako bi protiv prijavljenog bio pokrenut krivični postupak za krivično djelo krivotvorenja isprave iz člana 367 stav 1 Krivičnog zakona Brčko distrikta.

PRILOG:

- 1) Kopija prijedloga za povrat u predašnje stanje Odjeljenja za obrazovanje broj predmeta 37-000153/14, broj akta 1003MP-001/14 od 26.02.2014. godine;
- 2) Kopija nalaza i mišljenja koje je izdala Specijalistička ordinacija privatni rendgen „Veselinović“ iz Bijeljine pod amb. brojem 236/II-14 od 5.02.2014. godine;
- 3) Kopija žalbe Odjeljenja za obrazovanje broj predmeta 37-000274/14, broj akta 1003MP-001/14 od 4.04.2014. godine, i
- 4) Kopija saopštenja sa 53. redovne sjednice Vlade Brčko distrikta održane 5.02.2014. godine, koje se nalazi na zvaničnom sajtu Vlade;

S poštovanjem,



REKTOR
Prof. dr. Zoran Milošević